

ՅԱԻԵԼՈՒԱԾ Ը

Ի Յ Ի Շ Ա Տ Ա Կ Ա Ր Ա Ն Ա Յ Ձ Ե Ռ Ա Գ Ր Ա Ց

1394.

Զվերջին ստացող սուրբ մատենիս, զՊարոն Սինան, որ ստացաւ զսա ի հալալ արդեանց իւրոց, ի վայելումն աստուածատուր զաւակին իւրոյ Աբրահամին, յիշատակ իւր և ծնողաց իւրոց. արդ որք հանգիպիք այսմ գեղեցկայարմար կտակիս, յիշեալիք ի մաքրափայլ յաղօթս ձեր զՊարոն Սինան, և զհայր իւր զԽուժուպէյն, և զմայր իւր զՍասա խաթուն, և զկենակիցն իւր զԷտիլ մէլիքն, աստուածատուր զաւակաւքն իւրովք, և զամենայն արեան մերձաւորսն. և որք յիշէք՝ յիշեալ լիջիք ի Քրիստոսէ Աստուծոյ մերոյ: Արդ ստացաւ զիրքս այս (ի թուին) Հայոց Պիգ, օգոստ. փե: [Ճաշոց գիրք ի կաւ մենից, գրեալ ի Սուրդար Ղրիմու]:

1711. [Ի նմին ճաշոցի]. Ճաշու գիրքս այս է յիշատակ եկեղեցւոյն Սրբոյ Նիկողայոսի Սքանչելագործ հայրապետին՝ ի կամենից քաղաքին, որ գրեցաւ ի թվին Հայոց ԶՂԸ և յամի Տեառն 1349, յերկիրն Ղրիմոյ ի քաղաքն Սուրխաթ, ձեռամբ Տէր Ստեբաննոսի երիցու. իսկ յետ ԽԵ (45) ամաց գրելոյն՝ գնեաց զսա կամէնցի Պր. Սինանն՝ որդի Խուժուպէյի, և ետ յիշատակ վերոյսացեալ եկեղեցւոյս, ի թվին Պիգ և Տեառն 1394, յօգոստոս փե (15): Այս Պր. Սինանս իւր յատուկ դրամովն շինեաց զնոյն եկեղեցին Սրբայն Նիկողայոսի, ի թվ. Պից և Տեառն 1398. որպէս յայտ է ի կոնդակէ շինութեան նորին, որ ի ռազուշն (դատարան) մեր, և սկսանի այսպէս. Այս իմ կամաց և հաստատութեան ձեռագիր է Սինանի որդւոյ Խուժուպէյի, և այլն⁽¹⁾: Բայց յետոյ ի թվին Հայոց ՌՃԿ և յամի Տեառն 1711, կազմեցաւ, բաժանեցեալ յերկուս հատորս, վասն դիւրագոյն տանելոյ և բերելոյ, ձեռամբ Ստեփաննոսի Ստեփանեսն կամէնցացւոյ, տէքանի կամէնիցու, Սզանիսլաու և այլոց քաղաքաց. որ և յաւել զընթերցուածս և զաւետարանս ոմանս, ըստ արարողութեան ուղղափառ եկեղեցւոյ Հայոց:

1767. [Ի նմին մատենի]. Յամի Տեառն 1756, օրն յունիսի՝ 28, սկսաւ